

甲子行錄

爲山錄

松蘿錄

驪江錄

海浦錄

嶺南日錄

簡易文集卷之七目錄

甲午行錄

公山錄

松都錄

驪江錄

麻浦錄

蘇齋

蘇齋

蘇齋

公山

甲午

同治文集卷之十

簡易文集卷之七

甲午行錄

鐵山重九日叙勞有作拜呈台座

月

一銜 嚴命故須忙今日穿簑百里強人以
道塗供向老天將風雨具重陽官中薄酒非
酬節亂後寒花自發香見損台威初不分晤
言勞苦稍相忘

奉行臺

拙

疊韻

下

纔了忙時復暑忙逢辰安得尚身強沾衣不
必牛山上落帽空思漢水陽意裏平生霜下

簡易集卷一
傑吟邊一夕雨中香淵明豈有真還偽歲暮
幽期定莫忘

龍川伏蒙台章下酬不得無謝

寸閑爭得救長忙筋力全衰志獨強藍水玉
山秋九日荻花楓葉夜潯陽劍能射斗誰看
氣衣未朝天已有香莫說登高能賦事裁
詩排悶悶難忘

義州謝行臺和章別効區區慕用之誠
相人恒恐失之忙唯是逢君意即強白首甘
同鄭燭武青丘欠一郭汾陽端湏共瀝肝頭

血慙許休含口裏香從此無論一日長古來
交道併形忘

次迎春堂板上韻二首

連年此理上河槎一奉君憂屏百病須藉

皇靈傾虎穴尚令廟貌寄人家天涯舉目

江山異歲暮回腸日夜多判得歸來冰未合

鴻恩先向鴨波加

明朝鴨水戒橫槎未使餘醒作小病許國微
身甘死國思家細事況無家才完敗絮從衣
衾斗覺新寒得雨多遮莫妻孥書斷絕書來

應只勉餐加

有謝沈判書伯懼令座

孫經略接伴使

疊額

下同

初羞玉樹映枯槎稍喜神樓愈宿病相與褰
裳醉鄉國直同爭席野翁家亂中對笑終知
暫醒後狂言豈怕多空館一宵忘客冷儘教
風雨曉交加

有謝黃同知景美令史

劉松使

朝來報喜鵲槎槎倒屣逢迎體去病我以中
原為熟路公於絕塞著全家共知必死唯先
後休把賢勞較少多為是天兵留與送傷

心此日

主憂加吾行有留
劉文書

既渡江疊韻二首

行人每向此間忙
鴨綠秋風太劇強
正羨東流循海左
更堪西路起遼陽
未穿關塞那論俗
為惡羶章自帶香
天上五雲終在望
鄉愁旅況一時忘

一出身如泛海槎
那辭手足赴瘁痾
著將末穎爭流輩
冀有分毫利國家
玉色時思懸北切
金精夜卜壓東多
神明倘與誠勤積
不
是重來力量加

次台韻通錄六首

追陪強韻重詩塵為與便宜立幟新膏沃本
慚培養地拂湔徒辱獎知人鯨鯢緩裁愁東
海虎豹寬訶想北辰須試平生誦三百激
昂猶得見精神

冉冉雪霜交節序悠悠車馬度江關前頭亦
有難窮野屈指何當且了山都削等威同旅
泊獨嚴詞律阻人攀敢着碌碌因成事千里
唯堪附驥還

西風刮地不生塵九月遼寒太斬新見水弱

水艱度馬依山踈店必居人向來息偃沾
君祿寧為羈危怨我辰白雪陽春宜未並台
章真奪化工神

丈夫不去東擊賊千里胡為西入關假使踰
兵一帶水安能措國四維山終南清渭如常
見武德開元得再攀憂在大臣知更別未應
料理待東還

多蒙省錄走埃塵我亦忘公地位新自謂知
雄非後世寧祈說項向時人即今遇亂同為
客隨處憑危共望辰所事故存詞翰外行

歌相答暫舒神

高嶺青石了一日西行不復愁遼關已牽遶
想鶴仙野休說畏途狼子山認藥時將殘蔓
嗅憐松未暇好枝攀僕夫豈識余心急將謂
年來輕往還

一三流河疊韻

憶得舊遊高宮軒錯認三柳河蓋有詩

八站路渾衣上塵三流河曲眼偏新十餘年

裏頻來客多少村中換主人錯認却緣楊柳

渚同遊可憶菊花辰鵝羣剝欲籠將去又欠

當時筆入神

伊時韓石峯亦在行

云人向來易到

抵懷遠館記馬上指點疊韻

遼陽古號精兵處平地翻成百二關頭館倦
程元有館首山遙指更無山麗譙杳杳疑乘
氣白塔亭亭勢絕攀斟酌神仙雖大好千年
一度可毋還

雪後次東坡韻四首之第一

踈踈密密復纖纖嫵媚玄冥未覺嚴餅餌爭
投金色鯽盃盤易飲水精盞梅花照夜偏侵
牖柳絮隨風故入簷客子明朝應起早要看
天際玉峯尖

城頭昨夜辨烏鴉
積照寧論十二車
已兆三
看克臘瑞誰將六
出別春花詩思孟浩吟
隨
處病羨素安卧
署家最是行臺年
學富章成
不待手頻義

上帝高居愍衰世
端須一雪宿中嚴
樓舍白玉教先碎
食淡蒼生為下鹽
暮夜誰憐投暗
壁明朝定好負
暄簷羈臣正自頭
爭皓寧把
毛錐較鈍尖

正是玄冬行雪節
猶教紫電逐雷車
初看迸
落珠璣實漸見
交飛蛺蝶花抵死
三年民對

壘思歸千里客無家即知帝力俄舒慘欲訴

危棕畏夜叉

是日雷電
電俱作

久滯懷遠有賦通錄五首

客路終須了數千淹留古館日當年無山覺
入遼東野積雪愁連薊北天車馬曉聲還自
定樓臺晚景故應懸多情欲作鄉關夢夢到
鄉關又索然

邇來白髮丈三千誰信大平生長年疆場儘
殘蛇豕食道途還傍犬羊天塞雲定識歸邊
斷鄉月堪憐別後懸臣子詐無努力地楚囚

相對只潛然

仙人昔有去家千前度劉郎亦十年陳迹徒

言華表柱幽期合在沈寥天關河萬里霜雪

霽霄漢三更星斗懸定是此時遊正好衝泥

來往豈冷然

百拙衡泥訪華表柱故爲戲之

道德徒聞字五千丹砂誰得見長年瀛洲蓬島

須窮海流水桃花別有天秦漢之君力不到

漁樵者輩迹終懸要知分內容修養非出人

間也洒然

和台章意

日夕憂來頭緒千邦家蕩析歲仍年遭時似

是都關數賦命安能各問天今我窮途迷駕
稅古人快路決車懸豈有君危身得計賢
愚未必迥殊然

發懷遠抵鞍山夜已深矣疊韻

才難何益役愚千自笑憧憧來往年此地又
看三日雪吾行猶去二更天人生豈不甘高
枕國事其如急倒懸却喜今宵頓清霽斷橋
踈店度翛然

追次台韻別金臺葉參軍邦榮二首

積雪朝收復夕霏明從鶴野振蓑衣已來千

里吾猶去又住一年君未歸老境漸知離別
重神京雖樂晤言稀相思此後知多少但
是遙空對落暉

每愛相逢綺語霏能無沾濕別時衣偶然華
表同為客先向金臺不是歸木葉山前行路
畏駒兒河口見人稀度關隨處堪乘興沽酒
誰同醉夕暉

鞍山道中次東坡龜山韻因效其首語
而成

我行數數亦何求三過鞍山歲未周風塵安

得開兩眼霜雪從教欺白頭昨夜冰輪乘霽
動今朝野馬弄暄遊遼天十月西歸路似此
清妍再遇不

海州道中疊韻

朝朝事境至如求又繞城西逐道周逢人終
日不識面察我是天時舉頭下國山河急湔
袂神州宮闕匪觀遊吾王正有緘詞付
萬里能紆明見不

牛家庄泉水甚惡不可飲取雪救渴次
東坡汲江煎茶韻

雪水當茶未要烹并渾無賴寸脰清早知太
潔非調鼎俄覺難盈愧挈鉶渴甚思令喉得
潤寒多怕入腹為聲牛庄止酒應休恠醒醉
常煩催屢更

台座分送漬蜜葡萄疊韻以謝

葡萄入酒辱煎烹漬蜜偏憐色味清口吻先
謀快腸肚刁圭已敵倒罌鉶方纔含肉化為
液故更嚼仁留作聲點檢仙裝應屢記消中
無睡坐深更

行聞廣寧董捨兵元一大捷高平

邊遽朝喧日色薄捷書夜戴繁星過匈奴屢
犯防秋塞名將新摧曳落河蟒龍裘棄覺王
走駿馬鞍空知級多虜運從今無竟歲南溟
安得尚鯨波

沙嶺道中疊韻

下並

牛庄沙嶺愁行客不道又復來經過頑雲初
霽一丈雪堅冰半合三叉河城近龍庭民業
鮮驛連玉帳軍書多天王征誅屬未暇下
邦徒急沾餘波

高平

將軍新逐單于地客子胡為忽忽過城下伏
屍填雪塹草間流血入冰河罷民正怕兵連
始壯士徒誇戰獲多回首還堪說鄉國洛江
三載未清波

盤山望醫巫閭山

山中未必看山面爭似山前客熟過頗記賦
詩牽活盡端令飛策渡遼河遙從廣野知根
大漸向諸峯覺皴多賀老故棲誰與問釣魚
臺下定寒波

昔過山下有春晴開活盡之句

次百拙望醫巫閭山有懷賀先生韻三

首

東方之羨此焉生還署棲遲養性靈自有工夫存實踐豈專尋索向遺經斯民可使皆由戶天下還應不出庭今日誰從講是事山容依舊聳蒼青

天挺先生覺後生山居也合使山靈真源可想觀心妙亂石還應聽聖經未逮往來隨杖屨焉知登降在堂庭東歸所得終糟粕理自玄玄簡自青
已矣斯人不復生虛疑此地寓精靈向來未

簡易集十一
有功追聖垂後安能語合經休比掛冠辭漢
室故羞操瑟立齊庭與才不與經邦業從古
青天只管青

次答別篇

書欲怡然義理生文憐筆下有神靈正須年
少開萬卷還識古人窮一經此事吾今虛歲
月前期君自占門庭休將汎博妨融熟會見
芙蓉出水青

偶疊年字韻錄奉行右

三人同事路三千白首青春相映年為祝

重光東海日將書再拜 北辰天一時風憲

中丞秉當代文衡內相懸並是吾王極簡

遣庸生僕僕獨胡然

此行亦有冊儲之奏

別奉百拙謝致意之勤因有効焉二首

疊韻

下同

古人文自富千千端為根膏積十年汨汨有
來從似水渾渾無鑿反於天誰知芒刃經牛
解要識車輪本蝨懸遲暮未退為事樂却憂
英妙墮悠然

人十能之已欲千故應有事及當年功從善

惡幾分地極在誠明性盡天卷裏餘師朝暮
遇曾中至樂鼓鐘懸論文莫恠前言陋道見
於文豈間然

論文論道奈憂愁何顧更有述二首

未卜河清定一千浮生正恐易頽年那知文
武恬嬉日忽見煙塵瀕洞天 聖主獨任嘗
膽苦庸臣誠合斷頭懸徒從 上國祈 恩
顧再抱書來奈覲然

四萬驅兇守五千 王師急我此三年樞要
籌策休無日方便羈縻斷自 天果足解紛

恩亦博本期微暴望空懸一番冠蓋先吾返
堪想 荃心已舛然

廣寧見李巡撫化龍退而有述二首

低頭屏氣赴衙門端為行臺位望尊安敢了
人一半面已能起我兩三言堪憐生在中華
貴可樂身承 天子恩自顧遐荒還醜朽只
甘埋沒復何論

鎖鑰新嚴撫北門真儒志欲 主威尊茲猖
未剪恨遺策順弱須扶憂在言飛輓繹騷難
究武羈縻止亂合知 恩令人再拜恭承教

可
卷之十一
三
奈此區區未盡論

小凌河道中二首

欲識天驕輕漢塞凌河南北積塵灰
春初縱掠屬饜去冬復長驅寧悔來
死棄已無腸可斷生離猶有首應回
將軍赴自高平捷勢合商量豈不才

一年再渡凌河水十室八空初冷灰
漢設金城非不守胡連鐵騎自能來
路同戰臂多三折川學離腸亦九回
飛將捷音猶未繼敵邦安得剪鯨才

馬上疊韻二首

吾遊不怕黃金盡壯志寧令白首灰閱歷唯
應古堠笑逢迎亦有好山來樹浮平闊依天
直鴉閃空濛背日回並馬偶然同口業盧前
沈後敢言才

朝日瞳瞳鞭馬出夜分寒店坐書灰愧當
主辱猶未死怕被人看知又來塵鏡時開雙
鬢變天機自運一陽回行歌豈是宣驕殺久
矣江淹已盡才

前屯城中楊忠壯祠堂二首

骨入重泉氣入雲祠堂飾獎荷

明君得非

遠祖揚無敵端合前身岳將軍窮寇詎能期
一箭老天終欲奪全勲楹間圖畫森餘勇說

到細河不忍聞

細河公
中箭處

前屯城上晚屯雲過客來悲少保君曾背分
明鑄四字指揮一定辦三軍天心未必同人
慕已事非期了世勲何限全驅保妻子可憐

一死聳流聞

公亦有
沮字事

山海關次台顏二首

萬堞蜿蜒飲海深重門晝入亦沉沉民知

高帝暫勞力事本始皇長逸心定有鬼神陰
贊是須令華夏壯如今丁寧關吏休何問自
古東人盡笏簪

長城休說苦蒼生城外強胡不辨名繚繞遙
尊龍虎勢隄防永戢犬羊情居人陌上看山
色候卒樓中聽海聲回首全遼皆畏道征夫
過此始安行

撫寧贈翟秀才

尚書之子二首

家風魏漢自來閒仕顯尚書遺恨存推直未
令君召座謝交堪為客題門何曾寶氣隨

龍身集
埋獄會有斑文見在孫萬軸牙籤固無恙應

須勤讀占新

恩

尚書竟
死獄中

昔年來往似相聞傾蓋如今能記存才調吾
慚鶴樓手世聲君保雀羅門不妨講說留賓
旅元有詩書遺子孫只為朝天嚴未暇歸
時應好已含恩

永平次台韻夷齊廟二首

寧令世道只逶迤 聖代宜崇二哲祠孤竹
元培君子節采薇不繫國風詩雙輪碧落容
聯照一縷清颺洗萬吹自是求仁仁已得休

將香火必靈知

夫子確言仁不怨太公嗟說義難爭向來兄
弟甘辭國邦忍君臣看用兵但識三綱當日
重非期五等後時榮青雲傳作馳文字一味
論名見即輕

今夫將向豐潤途中示同行林堂

關中信義非吾土冬至猶行思轉悽孤竹城
邊車轍雪亡家嶺下馬蹄泥人輕遠客初逢
淡路苦多歧再到迷却有前頭豐潤縣近山
堂月記同携

豐潤贈郭主人疊韻

西路故人郭有道逢君安得尚含悽舊詩却
愧題留壁新釀先愁醉似泥入戶是山居自
近歸家何日夢猶迷二郎如玉尤憐我悵惘
今來手未携

向通州

客程轉向神州快真背全遼並塞牆夏氏店
前沙浩浩楊公塋外樹茫茫錦韉爭路多官
馬高髻出城好女郎覺是潞河無十里淡煙
斜日見危樯

通州疊韻

通州城外潞河水楊子潮來望
禁牆粉堞麗譙環縹緲煙洲重樹極蒼茫
雪天酒扣青帘戶冰穴魚尋黃帽郎
更有風流今不盡挑花浪濶簇烏檣

適購書得戲奉百拙二首

韓子文章一元氣歐曾後出與之三
八代五季衰為起先秦西京雄可祭
鳳皇之祥芝草秀星斗于北江漢
南傾金購此歸故國天未欲喪斯文
覃

那將世上東坡百當得人間太白三奇入鬼神
如有助古追風雅合相參逶迤此業隨時
下寂寞誰名擅斗南英妙未應詩可少自慚
遲暮力難覃

呈台座述謝二首

雅量前頭久竊親秋毫未了故須陳寧為雜
藥籠中物詎作能言面後人所恥同行懷異
見非遭知己敢求伸惟應賤子難醫疾却是
明公不讓塵

謬謬言踈諾諾親誰能為刮一重陳如公曠

度推當世免我虛名不下人未害參差初自
異惟期妥帖即俱伸好臣所教元通患安得
高明遍可塵

無聊中戲為二首

更長睡短補寒曦一鎖常仍十二時食為冥
間支過少薪從月裏斫來遲危邦久自慚偷
活遠後端宜勉忍飢還是相如悶消渴尚須
茶酒潤吟脾

又見南窓受淡曦衰翁自照鏡中時長征可
笑非人強久滯如憐度日遲漸覺僕奴慵唯

話那看親愛問寒飢却應優得養生理徐沈

邇來休肺脾

是行吾實自請

立春日次東坡

立春日病中邀客

韻二首

臘盡新陽始布漫皇都樂事剩堪看人人

綵勝簪欹側戶戶香烟篆屈盤小歲觴湏椒

栢醞羣芳壓用鳳龍團羈懷更覺逢辰惡薄

具相將亦強歡

本擬歸期在臘前誰知蹭蹬向新年菜盤却

憶貧妻具花勝那看小女妍市上猶堪沽美

酒囊中可奈乏留錢他鄉不用宜春帖默禱

腥氛淨海天

除夜次東坡

除夜宿野韻二首

上國誰憐楚使悲
邦人幾賦式微詩
遲遲豈與春相待
忽忽那堪歲獨歸
自是衰年元睡少
非因守夜及星稀
懸知去路逢回鴈
解道南洲少所依

通宵欲守歲
母徂似恚吾
行未上途一榻之
餘容鼾睡千門也
奈已新符春應暗
遺花生眼臘亦分
留雪在鬚野宿雖
寒不局鎖千年
相謝與仙蘇

微雪復次坡詩韻四首

之第

雨巧逢春故欲纖風欺作雪未全嚴
糝田宅化無終玉環木真成忽吉
鹽桂樹暖容杯接露梨花輕兔帽
摧簷陶家茶事猶難辦坐覺餘寒
暑免尖

九斛塵邊閃暮鴉流雲漏日未懸
車金羊玉馬千年地綺陌珠簾一
望花東郭先生多在道西湖處士
少知家不成整履尋梅去空把囊
錢學畫叉

還看滕六猶知白未覺陽三便解
嚴耐冷誰

能身不粟餘清我欲食無鹽疑花帶蝶繞春
樹似月尋人明夜簷會識微陰方革面滋歸
地底助勾尖

青女偷寒行雪事東皇昨日已騰車踈踈未
遽爭頭白曖曖翻疑是眼花鹽絮纔供半詩
料江山淡掃幾漁家還饒渴雀時來啄一任
枝輕不動义

次百拙感懷韻二首

三二年來不識春新年春色肯宜人但須嶺
海依然是何必煙花特地新世亂誰能仕有

祿名賓未覺假非真 朝廷稍省文書用始

辦江湖退去身

時倅衙以行

倦役初非矍鑠鞍羈懷轉覺滯留難已嘗世事肱三折堪付年華指一彈志業終慚分肉手心期謾說釣魚竿人間分內猶難做每恠吾君討化丹

元曉記夢呈行右蓋無一字不紀實者而不得私此慶幸云

猥被賢招 法駕前親承 玉語極溫恩衣冠却出扶觀盛俎豆俄聞點設喧館閣人來

供翰墨 宗桃冊具揭 徽尊似須文字從

臣手還待 宣催稿未翻

亦有私感之夢志之疊韻

丁年已抱終天慟有子尤宜識父恩嚴愛教
方元惻怛喜憂名字早騰喧書存手澤經兵
盡主改頭銜荷 典尊夢裏承顏今月感幽
冥亦覺歲時翻

元日疊立春日韻二首

舊曆惟堪醬醃漫新年又柰客中看邦露二
升醑酒且具五種辛菜盤國事已從占得

旺家人還向夢成團東歸猶更三百日況是
中興而後歡

但祝風塵去目前殘生不甚惜流年雖然元
日客中得定是春光歸後妍垂橐肯嫌兒婦
恩弊裘還當酒家錢醒能起草中興頌醉
復狂歌樂聖天

作家書疊前韻下

再來萬里緣王事當此之時豈顧恩遙想
家鄉饑後亂忽如骨肉坐邊喧儘無衣食更
憂遠初長兒孫不識尊早晚書隨噪鵲至蓬

頭相聚為披翻

先妣生朝

雖是慈親初度日即今羈旅未伸恩那堪心
愧獺魚報更耐耳聞烏鳥宣線出手中三尺
幼麻宣身後世年尊母儀婦德徒能記方奈
治碑世故翻

人日次坡詩韻聊抒感憤二首

拋却全家何處村遠遊誰肯飯王孫
雞辰入日看貼戶鴈後花前猶掩門
却賊終煩血一軟興師故怕餅難翻
今年定得宜生育壯士

還能不喪元

兵盡於郊食盡村蛟蛇綠陸種兒孫掃清未
使窮東海按堵那能保北門八陣磧頭瘡酒
去金燈淵裏看油翻豐年哲將思雖晚合重
茲辰亞歲元

穀日大雪復次坡韻并下為四首

三

春工未還飾洪纖前夜猶資霜雪嚴漢帝自
頒天下絮吳王能擅海濱鹽風吹更作銀堆
地日射都成玉索簷也覺詩家情境富衰翁
不是露新尖

玉龍纔墮碎鬚牙旋粉銀鯨骨幾車見說滿
山難刻珮翻看穿樹作飛花三年去國未黔
突一夕取書誰到家句裏怕多清冷字令人
指凍不成叉

次日雪晴月又明甚

銀界即知遙接漢宮槎何待去尋嚴山行抵
雀應皆玉海賦超人可欠鹽松酒三九誰饋
藥梅花一笑獨巡簷奚奴不解憐清夜鼾睡
真堪踢倒尖
輕颺初看同野馬積多不數萬牛車還邀春

月借為魄已趁信風偷作花灞上著驢應得
句山陰回棹豈思家神仙最是樓居好一夜
珠簾不下义

十一日子夜復有異夢敬識疊前韻下

平生僅識

君王面夢寐還同父子恩銀漏

未傳催夜

召王音那復有人喧此身隔

歲淹行旅誰意連旬拜

至尊領得丁寧

堪默誦毋庸更著語言翻

滯愁

司春已替閉關令造火仍聞弛禁
恩悄悄

征人猶坐滯喃喃語鳥故來喧日高更覺三
韓遠山近難瞻萬歲尊久分陰晴不相管
旗亭又復雪花翻

漫為二首

刺喜南窓日稍遲微風舞雪不成吹禽非易
舌無陳語樹欲生花自好枝春事未應多異
巧客懷聊亦動新詩鏡中白髮三千丈休道
緣愁不入時

西遊萬里得歸遲又柰東風撩亂吹雪盡草
應無限綠煙生柳已可憐枝衰年陶寫闕美

渭活境安排成好詩回首未聞鄉國靜此身
那識稅車時

連有大雪復次坡韻四首

之第
四

遙看錯莫狎看纖質自輕盈氣自嚴三歲至
堵失真質一時鉛粉混施鹽朱門客至掃開
徑白屋人稀埋盡簷却笑饕餮陰安得以春工
鎖地有矛尖

稍壓危簷欲折牙成泥復恐即漸車懷人正
自牽瓊樹閑戶那因護落花白雪為詞寧負
俗青春作伴會歸家雖親筆牘非蒼頡遮莫

空庭鳥跡叉

又見秦京半月雪
征人未戒去程嚴
元憎李子難炊玉
不喜先生飽喫鹽
何處飢烏來啄
雷有時凍雀急投簷
東風已引吾心去
鴨綠江頭馬耳尖

縱令未動遊春騎
那合猶牽賦雪車
神女解憐天上葉
下官甘比溷中花
春鷄誤曉鳴非
客越犬疑昏吠
向家打竹投窓
渾撼我猶饒
一夢渡三义

上元次東坡示過韻寄家子二首

良辰與客略依違一椀燈無月在扉箋未達
天嗟蟣蝨詩多感物道蚺蜥併添新歲愁中
老已失來時計裏歸應識家人相待日稍能
撥絮作春衣

乞縣江湖計或違新年休假到柴扉思翁定
幾驚簷鵲為毋猶寬歎室蟊兵後豈憐佳節
過客中空聽踏歌歸團圓尚趁烟花好一笑
何須舞綠衣

久雪之餘元宵有月特地清快不能無
詩亦以寓感云

積晦不緣陰刀奮今宵安得數秋毫已從大
地勻銀屑還向空天澹玉膏傍闕只看孤掌
小經河終覺一輪高廣寒定自清無寐羈鶴
音微出九臯

疊韻詠月用戲遣悶

姮娥奔日兔隨逃似避騷人拔玉毫每認婆
娑知搗藥還慙照映廢焚膏我愁千丈亦能
白相問一盃無柰高故國得歸多虎豹何由
將影著東臯

薊州

漁陽鼙鼓驚何代左輔如今壯
本朝城帶邑烟浮堞堞樹連郊
雪暎條條春鴻社燕頻
牢路去馬來牛落日橋安得居人快剪子一
番剪斷我思搖

永平疊韻

古北平城正月暮初回客子
帝京朝二爍河口冰沅泮萬柳
庄頭綠泛條射虎飲驢人
後石歸鴉倦鳥影邊橋吟來更
憶曾過好月動波光向夕搖

次百拙永平韻

負郭炊煙日在垣郊頭樹色已黃昏向來興
廢孤竹國今屬風流萬柳村客子哦詩猶信
馬誰家有酒不關門歸鴉可羨天機好滅沒
空濛在一翻

撫寧西村疊韻

衡茅面面石為垣一壑蕭然自早昏殘雪斷
冰今日路落花流水去年村安能杖履來謀
合但許耕樵與對門餘事不須咨伯始著書
還亦謝虞翻

東關道中

遼西二月猶多雪著急東歸似覓春世事盡
從兵後改年華頻向客中新衣巾却恐驚鄉
俗骨肉翻應恠老人敢謂驅馳堪報主安
危自古有謀臣

遼左漫疊

塞柳行看動麴塵遼寒安得更禁春打冰北
戍茲時歇防汎東兵幾處新堪愧往來成底
事又將顏面作歸人黃金橫帶雖今日誰謂
初非亡國臣

廣寧贈方副揔

時并序

始倭之寇我東也空國而來乘吾不戒者
數千里之地蛇豕食幾盡而三都於窟處
我君臣奉五廟之主僅存於播越之
中二百年生聚蓋剪焉矣于時天子聞
之測然推轂元戎提貔虎之旅以救之薄
之平壤城賊距守甚堅一鼓而厲諸將用
命士賈勇爭先登不竟日而城舉賊殪自
用干戈以來殆未有斯捷之迅也既而開
城漢城之壘屯次第而空特皆破竹餘威
耳逋賊奔南徵乞命于朝而我得復自

立國於灰燼之墟向雖以飛輓不可繼故
未使我人畢觀鯨鯢之戮而安得不知是
役之功耶豈時尹全州府在千里之外徒
捧露布而激昂莫由聆輦鼓之音而望旌
旆之色每誦提督以下諸公姓字如揖古
名將於青史之上也洎豈受君命赴京
師以上年冬道出遼右則聞驕虜大入縱
搶被官軍截其歸路斬獲人畜以千百數
亦東北近所罕有之全勝云意必前日東
征諸公與在汗馬也今使事既竣回到廣

寧城上客尹領樞謂_並言副總兵上谷方
公曾以提督李公中軍將從於東事尤有
力僕得有一拜之雅今在城中矣_並且固
有願見之心焉遂相與謀而借便拜塵焉
則輕裘緩帶間雅甚都又不覺其為將軍
也乃見待以賓主之禮盛為具以飲食之
夫何取於亡國之大夫而驩若平生之好
如此其亦有意於下邦者未已孰非體奉
聖天子仁慈而樂於為義者耶是重可敬
也因左右得之則上年殺虜之功公果居

高等矣嗚呼中國有如公諸人即我左海
藩蔽之國終且免為蛟鰐之鄉矣豈等誠
無以謝公各為詩以奉焉

藉甚聲名被海東中軍昔在佐元戎存人亡
國收城日得士死心古將風見說龍荒新殺
賊行看虎穴盡成空君恩三世報未足少
子五齡教引弓

遣悶疊韻

只是鄉心日夜東遙知朝列尚衣戎生憎塞
上春分雪不管客中花信風何處蛟龍未起

我獨歸鴻鴈欲迷空雖懷耿耿誰相照滿部
今宵月一弓

過江回次百拙額

歲歲東風豈負儂賢勞故合下流鍾已拋泥
雪三千里行見煙花一萬重稍喜農人知有
事寧嗟治世覓無蹤衰容獨奈非時具種種
霜毛鏡裏鬆

留題祥原新堂

郡守金君
廷睦也

官衙本陋自兵前頓別風流葺數椽但拓空
庭來霽月旋鍾活水出芳蓮治成不擾資清

曠賓至如歸借靜使歷盡關西看草草茲城
始覺中興年

次韻遂安樓題

一自神仙地未慳誰看駕鶴與駝鸞桃花里
落依春洞燕子樓臺占晚山閱世休言兵入
峽傷時有淚客憑欄那能更逐劉安去犬吠
雞鳴杳靄間

揚花渡呈行右

馬首常同萬里程扁舟却作後先行落帆浦
口青山正催撸潮頭白雨橫一髮存亡經戰

地百靈升降護 王城歸朝豈患無辭復
天子方將信去兵

余非熟東坡詩甲午如京為本國書亡於
兵火僅購看蘇律一本及後海平公遇蘇
州人吳明濟偶示行錄鄙作則曰大有蘇
長公氣格余不敢以欣以沮而可見華人
看詩不似我人等閑也

公山錄

謝柳巡相西垌公左顧寓舍

舍在僻
甚處

偶忝藩維客猶辭街市傍山高白屋小雪上

朱輪光警急補城缺衰遲看劍長話窮各起
立天意管存亡

還巡相示來序箋二稿

葉將勸勵歌後
序及驍軍謝

上疊韻

同下

辭贊仁人後戡申

王座傍文章果關世日

月足爭光二稟奉還去一籌那補長君乎民

士勸不患有危亡

謝巡相和章

制閭樞虛座治城劍倚傍事功甘管樂知遇

荷高光草木公山壯乾坤錦水長勢成何

必戰傾否本其亡

公以知樞出方治公之山城為緩急計六借杜詩錦

江春色來天地之語

重謝巡相厚教之意蓋不在淺淺也

屢屬

介改文字

莫笑小巫拙忘着大匠傍言從知己盡量為
受人光事業百年內雲霄萬古長詎專文字
好能續古詩亡

書事呈巡相兼奉賀畫使李令公

時發

上黨湖西脊新城又嶺傍地形無失利
王業可重光見說施功監邦聞錯意長不才多

負國儒用始忘亡

上黨城治之數年今以城
惡丙棄新城贊畫將以屯

者兵

聞贊畫令公行色將動不得無詩并前

和巡相者通錄以奉為別

令公由巡按
御使去以都

體察使贊畫來
其手下兵甚精

朝廷養壯士必欲在公傍一去誰能代重來
更有光旌旗團野正組練映江長所貴非擒
賊吾憐不可亡

復奉贊畫令公

生非不知令公健筆而

終斬一和則愧矣

恩深金革際氣上斗牛傍戰守謀先勝詩書
道始光端居同孺子決去一雲長相送慚衰
朽無能與有亡

謝資畫令公和章今承和什此

生

所願

覩者也豈不先已物色得即可驚文采
如此足知天與事業無所不多也為時
倍賀老醜不用刻畫久矣率尔呈謝

承恩九天上贊畫右台傍草昧經綸切勲
名簡策光神兵元用寡虜運詎能長何限凡
夫在蕭公不問亡

謝巡相獎和

蘿薦施松上薰葭倚玉傍鄙人固癡絕君子
愈謙光嘗恠盛名下少憐寒士長由來度量
遠右道幸非亡

和巡相書事之作

卽報有兵再出事天

屢忝朝天使瀕危訴日傍以今窮賊能
知復動恩光遼劉軍容整東南技擊長未
應須盡出地豕就消亡

奉都事趙先生

輔

聞說翰林日不違香案傍周爰當此際對

越有餘光州縣惠政短里閭慈恩長明朝書

殿最定要檢疏亡

都事方主軍
丁作戶事

奉牧伯南令公

復興

戒石十六字森然書座傍黃堂無異政白屋
盡容光尹鐸寬堪保顓臾惠豈長向來多棄
邑邦本實先亡

奉鄭僉樞伯亨行軒

省觀大夫人
臨陂縣回

湖南令弟邑歲暮大人傍仕養俱慈訓歸寧
亦寵光萊衣旋自脫姜被共誰長正恐動
嚴召君羞况未亡

羞一作讐

贈金新 恩望二首

問君頭上桂攀折自何傍穩著雲梯步渾依

月殿光追惟二家舊讓却一枝長忠孝傳應

切還堪慰在亡

金之先君及丈母今巡相皆狀元而先君死於賊鋒

桂樹月西北銀臺君側傍簪花知手捷珥

筆覺身光冰玉真雙美箕裘豈一長公私

讎痛極此出卜胡亡

金以假注書休告而來

奉洪老廣文

至誠

奇寶不時有棄捐橫道傍及其垂老日榮以
一分光草草後効短悠悠初志長周公定可

憶母亦夢中亡

呈巡相既蒙還取前橐將通錄以示敢
更為請

玉手裁文錦收還刀尺傍已堪驚品製猶復
卹聲光覆局慚神短傾圉仰惠長何煩有它
送直恐壽金亡

感時寬愁有作呈巡相

客久湖西右時仍魄死傍南荒仍海晏北
極欲春光人幸工夫盡天饒日子長由來存
我道不錯是興亡

呈巡相昨在僻寓未聞命駕今審會勉

叔相公回

都體察副使韓知事

相聚非私覲

天威即近傍體宣新得副巡

察舊稱光共為臨機急深知制筭長下賓真

一冗安補圯牛亡

戲還韓舒州子善公狀

我先係問而公狀至

重是江關遇非同

輦轂傍單車淹興苦五

馬貴然光正恠故情短奚煩公狀長徵求休

過慮病覺酒星亡

奉扶餘崔斯文

尚重

諸父典刑在得君搏殂傍班行少此秀衣佩
共誰光馬渡蒼蒼古魚梁白白長安能聯騎
去領勝吊荒亡

歎衰

漸覺僧梳冗著臨妓鏡傍居然成白禿無復
有韶光即與鬼形近得於人世長回頭何事
業盛際等遺亡

宜春帖為祈外補者言志也

五馬將家小羣雛各毋傍蜀人歌袴足采子
舞衣光齒牙堅復利鬚髮黑仍長北闕放

書至南陽報賊亡

謝崔扶餘三章和贈

離違纔數日
醞藉宛吾傍
送酒驚衣白
求詩怯酒光
分非傾蓋暫
情為見牆長
百丈珠璣羨
家聲故未亡

悶

真箇一候吏
白頭官路傍
因風聞廟畫
無日望宸光
草疏頻成毀
橫甬乍短長
金甌缺猶惜
况乃迫危亡

懣

已是恥城下猶然謀道傍不能拚一戰無以
洗三光關豈蕭何守城誰李勣長似聞清
邑落未講真遺亡

時清野政民
之令方行

簡巡相丐繼三物

墨

無論公十八任子笏盈傍質謝蘭麝氣交憐
膠漆光如霑染指短不過折腰長玄亦童烏
與還須備失亡

紙

欲識雲孫貴平生風子傍未須薛濤手自在

刻溪光愁之常用短興來那忘長休嘆昔者
有今也不知亡

白筆

初平叱石起雪白白雲傍約束拔毛子同歸
墨道光涵濡偏受厚放縱不辭長疇昔非無
送蓬頭亦易亡

和謝成東里

聞德二首

舊事如今百不依情杯到手轉難揮相違數
日重相命又卜溪南帶月歸
白頭何處欲相依泉石襟期酒後揮獨樂亭

東餘幾畝風塵况我正無歸

獨樂李宰相不記名所築而成

氏世有其故地

韓舒川口誦牧隱郡接題咏要余續之

為次韻

滯客煎憂劇萬端
棲高聽說自高寒
人經牧隱真相副
舸逐鷗夷倘一觀
詩律肯將梅竹細
道情應與海天寬
使君慎莫中宵倚
牛斗龍光容易干

韓子仕路有有才無命之數故未云云

為崔扶餘遙次洗心亭題韻

稻梁纔足萬鍾輕
漫亦同塵帶世名
地古溪

山全二樂人和風月剩雙清行休自任陶元
亮婚嫁非關向子平但得迤南戎馬靜茲亭
寧負遂初情

遙次洞然堂韻堂乃崔君先祖所構而
君實重修云

要見洞然地端由養浩然肯堂宜有後斯道
即察前一水流奔放千峯勢接連賣書問舍
得風月共無邊

漫疊絕句韻二首

只是葵心戀
黼依入非推挽出非揮時危

歲暮公山館何繫門庭不得歸
大平煙樹昔依依觸目蕭疎淚幾揮京國較
於湖路甚春來何處燕同歸

訪成東里疊韻題壁二首

十年前事話依依安得神戈指日揮家去公
山三百里公山此日却言歸

山城幾處定堪依廊廟如今費指揮田野小
民何足說溪翁六十不知歸

題石陽正仲燮水墨畫二幅

青山倚夏空嵐氣浮羣木鬱鬱歲寒姿故宜

幽澗曲

悄悄對羣巒何曾秋意足可憐一葉無自在
千尋木

獨樂八詠

圓浦觀漲

流止皆天機漲來亦發越川觀即海觀小大
非吾說

層磯釣魚

不應心在魚何事老於釣自結白鷗盟暮歸
來復早

文殊春事

文殊傾社去春服既成時採擷愁春損新芳
夜又肥

蒼巖秋氣

蒼巖與秋氣借問是誰高白首人不語一聲
長嘯豪

石潭明月

潭空真一鑑更有月來照興足莫相憐潭中
月漸杳

瓦灘顛風

顛風乍作惡灘淺愁舟閣剛被造物兒戲人
人不覺

倉坪雨後

農家得雨喜滿野叱牛耕草色亦何事幽人
空復情

鷄岳春晴

雲空天似鏡岳古雪為眉相對又歲暮溪翁
那得衰

書八詠後奉成東里成君要作新扁余
以尋樂副之

獨樂是何人成君樂更真君尋二父樂水碧

山嶙峋

二父謂成君先公及叔父東洲公也

次韻羅接伴官子昇行卷

身嘗虎窟亦何為恨不提將萬健兒夷險慮
君人自錯豈看歸色異來時

同前子昇先生以疏草相示

孤忠耿耿實封中覺我踈愚往往同萬里包
羞雙節使三年負恨一衣戎膏間快艦森先
具目裏殘巢杏已空聖主定將長策用鯨
鯢無復吼腥風

贈仲燮

忘形痛飲紛紛是淡友忘年樂若何餘事盡
能高紙價晚成詩可入絃歌兵戈起後相逢
少嶺海遊回得助多奚暇慚吾才頓盡百憂
雙鬢已皤皤

仲燮示以關東諸作就和一二尤絕境
者次韻

鏡浦臺

風流茲地絕不翅昔聞然白白沙還鳥蒼蒼
樹亦烟天從臺外偃月正鏡中懸秀句 王

孫有方知骨法仙

竹西樓

滯客愁相守，寒衣直漬園。樓光龍抱睡，洞翠
鶴擎飛。一水橫臨斷，諸峯徙倚非。分留物色
少，本林石川韻 擬為後荷衣。林亦號荷衣

望洋亭

向海開亭納，納歸好亭常。有到人稀吟，君七
字登臨。句弱水東風吹我衣。

月松亭

十里寒沙月一襟，誰教盡手著松陰。詩仙正

自忘歸去鶴警三更露已深

卷中亦有贈王荷一章吟來不覺悽然
為代和

十載昇平京國遊何曾夢到瘴江隈
兒身零落休相吊亂裏誰家不下樓

復和尚州道中作

何曾此地似沙場風日當年急又涼
盜賊直來吞嶺右閭閻安得負城傍
鬼帝自護叢間骨人理猶依火後鄉
擇長撫摩應第一州髦多侍
舜衣裳

松都錄

次藥園老兄韻通七首

仍同諸君唱酬下同

千家今有數家煙不信當時五百年終古等閒雲鳥度客心多感自潛然

一道烏鴉衝暮煙千家歌哭幾流年遼城鶴

返憐鄉井客子胡為數數然

余秋冬中三度來此

城中十里樹如煙不復依依似昔年寧有紫

霞深洞裏羽人來往自泠然

荒墟夕燐冷無煙莫說鍾鳴鼎食年當時大

老登廊廟不救危亡未信然

元篇道圖隱事

玩易焚香幾篆烟先生誰得見當年只應髣

髴春風裏潭北潭南花似然

花潭事

人如過鳥事如煙鼎入周家二百年開府猶
成一柱國昨經兵火入蕭然

日閱

天兵幾竈烟居民未卜中興年憑

君莫問前朝迹

敬德宮牆亦慘然

次車五山韻通十二首

老子風流肯易闌酒中能事劇僚九三人避
逅誰為客一夜團圓不覺寒相出肺肝無芥
滯更將文字盡餘歡休驚歲暮催歸思我亦

全家阻碧瀾

名渡

自省事來多少愁一杯到手即成遊雪霜隨
日變雙鬢青白閱人餘兩眸天下未平兵又
動海中不死藥難求曾問堯舜君民計默
默燈前都繚悠

卅載東華宦味闌雲山無處藥堪丸他鄉滯
卧表安雪故友誰憐范叔寒詩遇敵強多避
銳酒從沽惡暫成歡東歸會待聞南信盡取
鯨鯢化血瀾

天寒歲暮客心愁來往憧憧不是遊古甸幾

回瀉戰血神松無恙入吟眸一時偶盛班荆
遇千里誰勤命駕求迭出詩篇陶寫足前期
只管任悠悠

睡短更長殊未闌囊中謾有鎮心丸區區素
恥先人樂耿耿空懷若已寒聖主安危勤
注意當朝平勃屬交歡民勞得息從今日嶠
外無論海不瀾

圃老遺忠牧老愁分明地下與同遊當年廊
廟錯何算此日臺隍寒我眸死義短長應各
識生時先後合誰求因人討賊慚盈國不語

臨風意亦悠

冬日胡為卒卒闌似須賜谷暖殘九天猶不
殺鯨鯢動海外誰憐介冑寒詩律任從兵後
亂酒杯聊具死前歡休將整頓乾坤計欲向
歸虛始障瀾

七和藥
老元語

飢入夢飽失其愁我亦昨夜滄江遊龍王睡
羨放魚鑰玉女出窺回碧眸淚盈一掬道相
送珠化萬顆非初求光氣通身忽驚覺有詩
適來清以悠

藥老物體
一篇甚奇

客裏那堪歲律闌誰將強弩激雙丸詩非闌

富唯排悶酒不傷貧僅壓寒青眼故人同一
笑白頭何處覓新歡今宵有意莫相負月滿
遙空澹玉瀾

浮生強半是閑愁又況塵埃世載遊幾向淺
深傷我足難將邪正信人眸年來文字亦何
用卷裏聖賢猶可求一畝棲遲計復誤相逢
同病說悠悠

廣文才思何時闌白玉盤走黃金九宵中用
物極弘廣身外浮名從冷寒山瘦風霜樹石
怒水肥雷雨魚龍歡詩篇格力此豈了請進

韓歐之海瀾

專奉五山下同

雙鳥吟朝萬物愁天公不肯恣其遊物雖得
所天亦悔聰君兩耳明君眸意足只堪自陶
寫事多何用煩誅求東臯老子癡實黠緘口
好送光陰悠

次五山感時韻四首

我以吾仁彼以強終為蛇豕食封疆侍臣僅
及蒙塵 駕宗廟邦存告朔羊勝敗猶然
推在數依違或者失攸臧年來欲問治邊吏
幾丈城因幾丈隍

胡虜怛吾箭有神幾年南徼靜無塵商忠不
謂開夷道漢俱從教作利津抱奏西奔接冠
盞揚旌東救弊蹄輪此時如得匡時策頭角
非麟也是麟

莫笑新亭淚漫流無由越俎代庖憂久知成
旅猶堪王何患山河不即收一歲戰時三歲
食千夫行處萬夫愁思量此事非輕著切恐
幾先有錯籌

新詩光氣射霄垠為惜難將解世紛公道不
曾同白日讜言安用一朱雲長纓誤矣能擒

賊斗廩聊然未負 君草昧經綸誰可做天
心豈欲喪斯文

臘日次藥老韻

時危仍滯客歲暮又驚辰百口從星散南梅
入夢頻不堪寒到骨惟有老隨身寂寂誰相
問孟深覆後塵

疊韻奉五山

故國同愁臘茲鄉不重辰安能兩耳熱定覺
二毛新栢酒香侵歲梅花樹過身東華事莫
憶六載尚兵塵

善竹橋

圖隱死節處

不用傷心善竹橋忠臣自合死前朝只今秀
句天東滿高咏河山為動搖

古文廟

未有斯文與國亡遺宮不比魯靈光邇年兵
火無前古燕沒庭牆獨擅蒼

北印

古城東北塚累累卧閱當年國祚移多疊如
今應暫定客心猶羨子無知

花潭次五山韻二首

古潭空世慮當日鏡公顏孤鶴同巢雪萬牛
不起山先人曾有受小子久無間易上尋餘
論其如一管斑先生君遊門
不及先生世徒聞孔鑄顏源頭來活水仰止
有高山忽若函丈下怡然方寸間更期花發
日生意見斑斑

次藥老花潭韻

先生昔傍名山居不見先生尋故墟合有神
仙共宴息何曾厲鬼煩驅除後天學了弄丸
處經世書成觀物餘山靈倘亦記此事豈令

客子空躊躇

次梅窓

鄭公恕名汝忠

花潭韻二首

盡日行山中不知茅棟處白雲生樹顛時有

樵童路

亂出雲生時空潭月落處豈無平素心未遇

先生話

次藥老雪韻

棹雪雪欺人卧雪人負雪惟有酒盈樽良宵

當佳節座上白雪詞迭出爭佳絕天公瞰其

奇侑以雲間月

和五山

反元意

二首

人在藐姑耶綽約膚如雪侍立皆霞衣一春
無四節我欲往從之忍與窮民絕但願乞靈
壽分之活時月

一服九轉丹世慮湯沃雪再服還童顏八百
春秋節嗟嗟當世入干戈生理絕安能共拔
宅鷄犬雲外月

次五山夜話韻二首

相逢羈旅細論心悔向京塵覓賞音雪棹何
煩千里遠寒燈未覺五更深衰翁氣槩憑詩

健亂世憂端要酒禁燕趙悲歌興廢地主人
殊不愛黃金
老子猶違汝上心高人自愛郢中音相逢迸
淚風塵暗一醉偷歡霰雪深啖蔗詩篇論未
厭吹壘世故說還禁此時珍重他時見須信
良宵抵萬金

次五山咏雪詩韻

天心生物本蕭然剛厭玄冥專陰威却將雪
作六出花於此可以觀天機初疑梅枝壓簷
明復似柳絮漫空飛可愛輕盈稍積厚堪憐

淡泊翻流輝桂兔著斂侵曉影桑烏避藏崇
朝暉玉宇崢嶸不回顧銀河咫尺終辭違墨
突失黔今幾載白頭羈旅愁相依寧我無人
掃開戶忍聞戰卒冰生衣安得楚氛因之清
免今越吠幸其晞天公雪事方收成隨以春
和膏雨霏大學壅鹽天下士新詩瓊珮江南
妃同憂有贈未同喜對立蒼茫何所歸

次五山祇事松嶽韻

吾王久禱自通天今為蒼生急急肩國依
無大事維嶽神顧庶幾求絕巔更衍本朝

三百曆方同麗代半千年如容度德應須倍

享在明馨豈止虔

為行師
祈告也

龍飛鳳舞一千重造化分明秀所鍾王氣終
隨前代盡地形猶擁百靈宗我憐望裏雲生
出君詫齋回雪滿峯安得相將杖鳥去紫霞
諸洞訪喬松

送韓石峯還牛山

匹馬凌兢雪上行相隨落月背荒城猶勝老
予送君後剪盡孤燈窓未明

奉留守黃公汝忠以速和什

故國山川今貳京中原冠蓋此通程
明公望在居留寄下客才宜迓勞行
時月再三來亦熟暮年強半政應成
排憂遣興須詩句重報輕投莫世情

送別李應教

尚毅

赴京次藥老韻

臘前作

吾昨遊萬里送君今且行
悽涼去國意淡薄辭家情
朔雪來仍弊東風袖即輕
應須記別處一醉迫嘉平

次五山感事韻二首

四極邦容一斷鰲
南溟千里積風濤
朝廷

有地自應憂臣子憂天無奈高袖裏久甘藏
拙手腰間時復拂塵刀分明昨夜升平夢
內賜春幡映醉袍

無論力量戴山鰲也負長風萬里濤即事孫
吳書尚晦平生稷契志空高同災敢伐先憂
突未割誰奇不折刀歸見古人應有日可能
猶著大夫袍

世之不善用兵未必不由於此每以為嘆故及之

五山博學餘力尤深於孫子等書余亦嘗見其書註家皆誤解

次五山喜聞

天兵將臨賊窟額二首

平壤當年著賊壕

王師不許走飛逃地勢

今乘南徽下 天威復順朔風高全軍筭定

應三捷截路鋒奇已一鑒不有 中興金石

事儒臣何處効微勞

全軍孫子文亦諸家誤解者也

天意寧容虜運全游魂假氣至今延故要威
轟四海外仍須恥雪百王前三韓昨日國非
國百姓明年田爾田臣老惟於迂勞熟凱歌
回日敢辭先

次韻藥老料理朴淵一賞徃復之作通

十首

余之曾遊在十年前而藥老未遊也

臣靈鍾意地東南百道泉輸一頃潭玉女洗

膚明洞壑鮫人揮淚濺松杉曾遊苦結平生
夢未到故應容易談茲事衰年可失便雪車
冰柱更宜探

到山忘北亦忘南渾為飛泉落玉潭但得青
梨臨絕壑常如白雨過層杉紳垂九萬兒童
見尺可三千世俗談惟待相隨詩社老洗空
惡句賦新探

發源東北注西南遙見脩虹飲古潭纔可掛
猿垂地葛亦無棲鶻造天杉尋真倘與秦人
遇已疾猶須楚客談一賞還應宿緣在通都

跬步少遊探

敢道吾詩是指南十年前事偶窺潭工和日

暈明嵌竇故亂風濤失檜杉挾漢手堪千首

賦懸河口得一分談曾聞李朴嫌爭大似避

先生後至探

容齋挹翠遊錄中有物不兩大之語

吾東山水小江南勝絕無如姓朴潭應識化

工供翠老想看高詠倚蒼杉餘清亦是驚塵

眼作聒還如禁世談不共風騷壇上客回頭

早却十年探

朴淵得名說甚誕妄而挹翠姓適同故云

安能空唱望江南憶豁塵襟向絕潭合有諸

天隔蘿薜唯看恠鳥度楓杉我洋會妙琴傳
響塵手分清玉入談吟得來詩已自了多生
何必此生探

曾遊水北與山南最是雲居護此潭何必劫
塵變陵谷為因兵火諸拊杉前溪無復送客
笑亂石依如聞法談入洞先愁難一宿年來
不是懶尋探

雲居廢寺名

卅六洞中當面南風流誰似此溪潭深秋弄
影收楓菊盛夏分涼入檜杉釋子誰能飛到
錫仙郎幾著手成談桃源可笑非真境却許

秦人避地探
藥老詩名動斗南
惟應未賦愧仙潭
即今九首形遐想
母乃前身倚古杉
參差冠蓋無真報
擾亂干戈未易談
定有山靈來託夢
分明指日要窮探

仁齋姜叟住終南
手畫題詩茲洞潭
金帶人持問月酒
虎皮坐傍舞風杉
當年實佩居留印
昔我傳聞故老談
對畫吟詩知景好
如何不樂得親探

姜仁齋自作
醉賞朴淵圖

元日忽臨吾儕昨夜之守左矣有作

守歲徒然循故事茲辰復可樂新元尋常作
客寧辭滯六十行年亦覺尊日月鎮侵入易
弊乾坤能與世長存莊生未必工齊物笑遣
惟須酒一樽

元日志喜疊韻二首

海上捷音前夕至新年即是中興元東來
冠蓋從今省南面衣裳似舊尊我輩不須
竣事去同朝相慶再生存全家幸亦俱無恙
稚子迎門酒在樽
旅泊東西無節日如今始貴歲時元潛回孰

測天心妙廣被恭惟 帝德尊千里死人還
與肉七年亡國化為存遙知 聖志猶謙讓
未許庭陳白獸樽

漫疊

七日地中雷始復三陽天下月正元機乘消
長時當謹慮動安危勢益尊免使民情千里
遠端湏 聖學一心存祇今直言誰先進聞
道佳辰賞有樽

和五山次杜韻賦 天兵

大將熊羆先唾手名臣獬豸亦褰裳鬼方尚

懷三年定蠻醜寧容七載狂須使片帆無渡
海却除遺鏃盡還鄉遙知飛捷日三至春色
先浮漢水陽

人日次玉山韻二首

今朝即人日何處是京華共道晴宜節誰教
雪有花他鄉生蟣蝨故國足烏鴉所愛人皆
遠愁來那可涯

新年第七月客髮幾分華但得樽中酒何須
勝裏花玄雲散粉堞落日閃翻鴉可是長愁
思無涯撼有涯

次藥老春寒韻二首

不必玄冥不退譙
饕威無乃是飛廉
東皇雖以木德王
百族未蒙生意霑
或者天兵方肆殺
難將仁事遽相兼
且當默默觀旬日
何苦吾儕弄凍尖

僑居四壁儘虛譙
直受饕風劍戟廉
冬春未覺機情別
動植何當造化霑
深坐擁爐溫已奪
片時持觥冷相兼
鬚髭亦解留冰雪
撚句吟邊觸指尖

次韓畿伯益之示韻

不問雲衢與陸沉相知自有世年心倦遊我
正頭如雪欣遇君今帶化金雙節郊垌行色
快一麾江海去情深別時未必閑詩句歸見
銓曹肯為吟

次藥老韻贈五山

先世書滿家諸郎文為弄伯赴王樓成叔留
天下動記覽與述作衆長於君總演迤而涵
弘蓄之無柰壅詩出貌終南賦揮凌五鳳江
山助遠遊春草回新夢吾東不足數軼絕唐
與宋紆轡古文塲復期老子共老子何敢當

波濤已堪恐客裏且閑爭吟毫屢呵凍非必
事業奇尚能愁憂送何處盡平生避塵小有
洞

復贈五山蕪示金秀才靜厚疊韻

同餘

太極故無極天機天有弄氣兮有翁張理也
無靜動在人方寸間心即性情總先覺訓實
揭後生知或壅能言終亦鸚錦翼豈皆鳳餘
無所用心生死醉與夢幾經不火秦僅見微
波宋今之為文章又鮮與道共去根已足悲
無實寧毋恐潛寶岸不枯疾流湍不凍老子

誦此久為君聊相送想當慎奉持屬屬兩洞

回金秀才和章

一自西京還文章費作弄無能壯元氣以絕
羣妄動不言四時行恭默百官總此道竟誰
陳宗波幾於壅角鬣固非麟羽毛寧學鳳間
有浴譏程復從痴說夢如非斲小工必是助
長宋伊我何能為猶著與彼共金家食牛子
出手令人恐嚴若師銜枚溫如律吹凍平處
奇益見語窮意未送去古今幾問勗哉期必

洞

奉藥老金秀才偶說左右疑傑天機
天自弄之語而有默運有何弄之云此
容有更質者不敢隱非不欲相下也願
終教焉

太極體虛一不容遽言弄蓋觀乘氣機妙用
形羣動問誰主張是惟天實統總或譬諸案
鑰所以喻開壅或贊其鼓舞豈果形韶鳳莫
泥無極說再成覺後夢此事誤高明有如陸
在宋邵翁稱弄丸見到天機共作弄與弄壞

例此看即恐如珠運之掌不運寒欲凍使天
但默運物物化工送人各一太極此義當自
洞

回藥老和

六經不曾言何獨一字弄宰以目主張機以
名運動捭闔與陶鎔指殊而歸總形似贊其
盛聞之奚滯壅緬惟子邵子天生龜與鳳太
極以為九弄之無寤夢我從得此字可謂起
於宋雖然天與人一極具則共當其妙萬物
二之良所恐舒弓樹之花慘也川之凍畢竟

是弄為夫人等閑送公亦弄未到弄到斯識
洞

弄字是非終成文字一弄亦是破閑更
呈賸語供哂二首

謂天有視聽寧獨無提弄生子便弄之是人
天性動兒弄亦良知不待及中總況天生萬
物弄弄豈底壅屈伸以行蠖文采以威鳳邃
如數啓圖諄如賢賚夢微如客象嚴偉如奎
開宋五行佐而已四時吏惟共方其攬妙權
皆當袖手恐地上蟣虱臣敢測煦還凍惟於

變化中目逆而瞬送言弄雖淺淺玄機因可
洞

愚人多弄壞奸人肆竊弄弄壞典刑亡竊弄
名器動所以英明主權綱務攬總况天何主
宰妙弄暫停壅品倫不弄過鼠虎而梟鳳時
序不弄過宵行而晝夢然豈萬目唐肖維大
綱宋明亦不自用故有羲和共吾特狀其妙
鑿天君休恐惟或弄停時天下受飢凍感應
際無間得非失將送言弄雖淺淺願為
旒洞

弄之又弄復供一哂二首

天心且無論迹其造化弄山獨何以靜水獨
何以動草木與昆蟲何林林總總東南何下
䟽西北何高壅何故繁鳥鵲而反閔鸞鳳人
生惟七情何從有九夢何令玉石似智和而
愚宋何乃嘖笑察嫫施難可共何私雨露悅
何疾雷霆恐春何急於漸冬何務在凍何不
俟日月亦紓人迎送茲皆不可知弄不誰能
洞

夫子猶有戲君子能無弄橫渠專矯敬言非戲

言戲動不及和不流弛張文武總自古英豪
人氣為世俗壅天馬一受羈難同遙擊鳳間
有麴蘖逃僅成一枕夢爭如弄文字顛倒漢
唐宋結盤岳拔雲揚汨濤風共拏躍無百恠
可喜而可恐不火可以烘不冰可以凍人或
譏排之復以弄語送所負宵中寬大者亦已
洞

漫復為之

問天弄自然人何有戲弄答曰動因靜是不
得已動動又百千變何可一言總一律以天

道言人得不壅飛飛與走走安得皆麟鳳華
胥國熙熙軒轅僅一夢堯舜仁有餘襄公不
足宋但以精粗殊性情本來共天包地所載
不弄墮可恐人日閱冰炭不弄焦或凍天弄
人亦弄萬古如斯送問者聞未終怡然如已
洞

無已太弄反之為一語仍示金秀才
前言戲之耳學者焉攸弄程子有四箴視聽
及言動周詩思無邪三百一以總道心源自
活人心蔽則壅一念存則聖青天覩丹鳳一

念罔則狂顛倒可驗夢星辰豈不高矣感石
隕宋薰蕕豈不殊氣室漸能共不必臨深淵
戰兢常如恐當其履霜始豫戒堅冰凍我母
以悖出誰得以悖送力踐乃所知方亦
洞

又示金秀才仍奉五山

滄海豈不濶鰲戴三山弄太山豈不大虎嘯
千巖動欲以喻文章雄猛氣勢總不出包容
中毋乃窘而雍羣魚王事龍百鳥朝于鳳肅
如塗山會樂如鈎天夢欲以喻文章揖漢晚

唐宋猶自限倫族安能宇宙共方其役萬物
造化為之恐慄之夏失暝舒之冬失凍惟獨
有所待增豪酒後送茲事誰與論五山早已
洞

醉贈五山

余生而不惠未知童子弄九年始學字十五
文名動二十進明庭再戰多士總如以千
鈞弩射彼九泥壅豈無鸞鸞鷺鷥亦讓高岡鳳
一為世議屈回頭事如夢所嗜古先文儒言
唯接宋中間寧自廢不與衆好共有作人輒

恠熟視者獨恐翠袖倚脩竹遲暮不辭凍逢
君才起予談此一盃送文章果何用君亦會
見洞

戲復藥老扛已閣筒休送之章

我詩兒戲耳久為公所弄兵精寡敵眾壁堅
靜俟動數挑我不量無詳公自總不有奇絕
後得無上流壅却憶初相識場屋覩星鳳弟
兄蓮榜名先後雲梯夢青年便登瀛隣女亦
窺宋仙凡故自殊出處何嘗共文字獨見許
俊雅終堪恐風塵同旅泊春雪仍臘凍杯酒

話平生詩筒復相送奚以強弱形但欲肝膽
洞

戲謝藥老之嘲 元篇題辭有云乘勞
取勝誰勸兄為此謀耶

剛厭律縛人依古為此弄誰果勸我謀乘人
弊以動况遭律輒逋輸與商君總如併古有
禁得非周監壅舜庭舞簫韶自致來儀鳳天
寶教梨園曲云得之夢若以擬詩章孰漢孰
唐宋是知古與律淳流非所共所喜行舒肆
何須步窘恐寧與春泥融不隨殘雪凍惟或

嫌兵端莫如各母送不然聽所為茲乃兩情
洞

閑爭辯可且止適成感春篇寫為謝

問鳥得何氣忽作新語弄問柳誰為容稍復
顏色動去酷玄堂政來蘇青帝總鎖矛已暗
透蟄戶寧久壅憶昔得春時騰翥如龍鳳樂
與萬物同醉成胡蝶夢只今雖得春悄如秋
風宋多情戀物華照鏡羞難共征旅一身滯
兵塵百口恐對食無相勸弊裘有餘凍如以
膏洗垢春愁何處送神仙間可樂乃在紫霞

洞

回藥老和

覽公雄詞馳攻我軟語弄便見
中興樂難禁歸意動公維六曹
祭我復五衛總當呼各趁班聲
如決川壅朝退亦聯騎相過免題
鳳一搏輒相命往事談若夢聖德
詩成韓雄風賦出宋拜手鋪丹墀
揄揚略相共私各取妻子驚魂收
悸恐亶亶豐年徵誰能憂餒凍一
麾江海志我遂公能送公步我未攀
細檀論思洞

五山言我何字一章若效天問者今又
用或字為之當復見謂效南山詩耶

天機見人事無時日不弄或動極以靜或靜
中有動或如市爭售或如官主總或快如傾
寫或鬱如抑壅或晦孔泣麟或明奴知鳳或
整比如律或冥迷如夢正或漢取秦變或胡
陵宋遠或聖難能邇或愚亦共或多手可熱
或轉喉皆恐予或羨庫廐棄或瀆餓凍倏或
愛莫留淹或苦難送當須閱盡後天意倘得
洞

歲時頗作歡喜詩以為吉語日來邊聲
復疑豈犯造物忌耶適且去留相形無
聊之中復疊弄韻奉呈藥園葆亭留懶
真經歷黃五山無示金秀才請同不平

之鳴

生世苦見欺造物小兒弄不逢大平時天下
兵又動豈我無將相中原勤督總大舉涉旬
日捷聲猶中壅獸窮又噬人梟終不伏鳳居
民無生歡戰卒少歸夢早驚去邠周休說渡
江宋自古有憂樂吾儕此時共天心汔可悔

人事回積恐無論既孤寡可忍仍羸凍臣欲
賤天公天高無路送吾王一念微禱久會
應洞

亦有夜來感月之作并留為別

春月令人喜如神女珠弄秋月令人悲如鮫
人淚動此言人常情有萬何能總今我對春
月憂端猶結壅時之一清河人無覽德鳳回
首兵戈前尚如失佳夢我豈四方人去齊即
之宋所以逢春宵却將秋夜共詩成贈藥老
藥老吾所恐惟其久相與氣味同融凍正此

洞 月盈圓臨歧成去送摻手一痛哭廣寒宮亦

次韻叙別

數月同甘苦明朝判去留詩多翻惹恨酒薄
強澆愁造物憎常聚為生笑本浮不知桃李
教何處映同遊

驪江錄

奉別鄭故相藥圃公南歸

休怪江頭淚濕衣老成如去典刑違獨持古
道緇誰改猶帶時憂錦暫歸驛路動驚多慘

惓丘園行見少依倚政當亂極思治日翻使
都人賦式微

呈天將張總兵榜

聖筆由來善救師家風况著授書時三軍行
絕一毫犯萬戶侯兼千首詩去後那堪見大
樹歸期不必及南枝忠州糧馬驪州過自愧
將迎何所為

次韻贈顧生圖

異域衣裘弊歸裝書劍寒將軍有揖客卧雪
恥袁安

贈梁中軍文

望旗知總府聞鼓識中軍故自精神聚非關
號令分笑談存弱國歸去報明君偏感師
兵過不亂雞犬羣

題散畫六幅

御風遊

猶有待而遊往來多一事何如斗室中自在
泠然地

對書眠

日永松陰裏翛然老道人看書雖有味不似

一眠真

倚松

落落長松身願願人獨倚前溪斷往來盡日
泓崢裏

泊船

月生江有烟歸翼知脩薄漁父故無詩此時
船已泊

休杖

鱗鱗荷而杖何從來息肩世無西伯養且就
清陰眠

枕琴

興在我洋中醉後亦良已橫琴而枕之瓶空
誰復恥

次韻李丹城

碑

題畫幅二首俱和其意

枕定我洋間琴中復何想知音如有人千里
應相訪

江上佳消息已無冰與雪漫出信驢來童肩

還有物

釣竿

留別神勒惠式長老步卷中韻二首

扁舟一放故園歸恰有東風吹我衣却向居

僧惆悵別衰年常是後期稀

僧住東林雲水間西隣客況偶相關此歸魂

夢應來往飽識江山勝海山

擬歸海鄉故云

留別曇仁長老次李丹城韻

江冰已盡客將還尚怯春風料峭寒安得葡萄波樣綠東臺共汝恣重看

贈草幕缺齒僧

東臺來往一何頻草幕吾幾失可人齒缺舌存飢便食肯將餘事擾渠真

贈興雲次卷韻

數月歸官組新年滯客撓塔名尋古寺碑字
認前朝髮豈憂貧短魂非恨別銷上方逢老
宿相對一蕭蕭神勸以塔故亦名慧寺

重別惠式步韓益之令公韻

亂世憂常絆無官病乍痊浮浮春在木渺渺
水連天田園當稼種骨肉貴團圓信義驪江
上其如去浩然

謝交承李明府希愿索題約勝軒

膾炙羣詠清心樓驪江物色少分留亂來併
與樓不見終勝有軒吾拙語今辱樵居微述

作豈宜狗續羞風流軒猶未必約樓勝文字
約之知縲悠

別天老瑞伯士推子由諸生

申翼壽禹
應祥丁好

恕禹
轍

諸生自能學老子欲何為失喜從遊地幾忘
及試期春江歸去棹夜店別離卮所勗中心
得妍蚩莫問時

舟下月溪都迷二潭戲為

人間舟子至都迷臆說仙源近月溪我入峽
回無異見雲中吠犬又鳴鷄

舟過九盤坂下

水正地中行船疑天上坐向如冬裏來冰雪
九盤馬

麻浦錄

舟入京口有感簡諸有位

風流莫說漢江邊舊恨新憂集客船井落有
蹊漫宿草亭臺無樹泊春煙未期楚戶亡秦
日宜戒吳兵入郢年天慙不容飛渡得中
興諸老肯悠然

謝梧陰相公臨訪疊前韻

江湖日覺趣無邊不厭茅簷小却船浩浩平
沙恒似雪濛濛遠樹自成煙三公柱駕侔千
里一話當書勝十年非是大賢能樂此肯將
樗散對蕭然

酬梧相寄章次韻

非關末路難投迹自信天工賦與公軒冕無
心真隱吏江山有句假漁翁寓居猶占半簷
月歸計且留一席風忽得台章驚甚寵也知
詩妙未須窮

放翁嘲漁翁江山如此
一句無今反使其語云

簡鄭戶曹夢與令公有懇

前年沮上寓紆蓋忘衆棄今年麻浦來倘肯
復相記身已伴漁翁時須行艤子簞瓢屬屢
空安得便具此大曹總船簿借民有公事所
願即撥與歸錢寬準備松楸高陽原禾黍通
津渚木道得無阻卒歲皆公賜載網出烟中
收竿還月裏公雖繫當時為我成幽致

次韻許經歷

震

竹村圖卷

蕭然舊業逐風塵不復煙霞可著身猶喚竹
村疑是夢欲修茅棟奈何貧餘年下策丹青
似一代高詞翰墨親堪媿鄙人營度拙向來

無假也無真

謝月汀柱國臨訪疊韻

懷人不減剡溪邊
命駕何須雪夜船
戒坐清過橫嶂雨
餘歡暝逼羃洲煙
一行附尾三千里
相識回頭五十年
豈復雲泥能間此
江湖憂樂共茫然

簡一松大學士疊韻

茅簷迴壓水中邊
宛共圖書載一船
魚躍積波知有雨
鳥沉空渚覺生煙
索居漁釣宜衰境
宗匠文章屬盛年
未必襟期不相似
寄聲

休惜當筵然

同吳參軍

明濟子
魚吳人

賦即事

形愧謝
之意

江雲澹澹草離離最是傷心亂後時風日催
花無樹著池臺變谷少人知高軒欲賦詩千
首下里難沽酒一甔早晚吳洲雖見月天東
此會肯相思

題金叅奉汝壽茅亭次韻

屬驚秦渭虎縱橫非苦風流亭豈成望國始
知依嶽壯臨江方見受潮平雲從壑歛諸峯
出草為沙饒別渚明我亦僑居仍卜吟樽

釣具共餘生

簡申戶判伯峻疊前韻有控

清時不齒寄鷗邊偶應泉曹市一船事就露
梁依物色人移夜壑奪風烟定從文簿偷先
日工託衙門狃近年漁店家家行艤子白頭
無賴立茫然

官貫小船已受於露梁而被人用計奪占并本船昏夜移去矣

倩韓石峯書約勝軒額寄李驪州疊前

韻

此時軒當昔時樓慚愧非才不可留代我聳
治猶省事歸君題扁是餘謀龍門欲出低山

勢燕淺纔窮慢水流一下峽中如夢裏仙舟
重送思悠悠

家子正郎於通津作小堂名在礪為寄

題

聞汝新營在礪堂憶曾奉我此流觴地幽故
著衰翁好年少還甘廢日長婢汲茶泉無只
尺奴治草廛亦尋常箇中風味堪遙想安得
歸帆不作忙

漫賦錄奉

二首

一自無家到處淹如今復免簡書嚴陶漁見

讓居何陋農圃為師老不嫌月下櫓聲來
戛枕雨中林色對搖簾欲將詩律供閑興
推鈍還堪愧筆尖

寓居休恠閱寒炎鷗鷺閑情屬未厭千里雨
帆爭占步一村煙樹巧當簷亂離骨肉寧常
聚憂樂江湖故自無况有比隣許玄度清風
朗月興仍添

舟中同景洪賦

日落風殘信水流浮生未易小舟遊憑君莫
問樓臺處說到當年便白頭

申三陟

景禧

令公見諾行過鎮川當寄魚

網詩以謝之兼奉申青山子堅為要相
告不忘蓋相同行故也

但得治船有網子免為鳴鋏無魚人誰能使
我不退結便擬截流遮紫鱗三世之交三陟
守一言相悉一生貧更憐六十飽須肉雖處
江湖蔬當珍意贈猶忘麥舟重家藏況等蛛
絲塵丁寧莫漫鎮川過亦保青山提語頻

別申三陟

多聞嶺東勝最說竹西樓日月遙光射禽魚

分影遊神仙無住著太守足風流焉識政成
後代居非白頭

別申青山

青山處處是君縣得名何平地自來少白雲
空復多土宜火棗樹崖有蜜蜂窠採日須相
憶扶衰藥待和

次和

酬一松韻二首

不道仙凡異生平激一知因風難得字見月
幾回思斷却忘憂友疲於造物兒
今為
說亦復誦新詩

右為一松叙

久矣草堂仰因之荷谷知景先復自發玄度
每堪思腹有五千卷餘無些子兒淡交從暑
水贏得起予詩

右為叙

醉書僑居戶

寓翁猶滯半間屋行子又回千里檣不識清
風與明月是供寂寞是供忙

送別

聖節使李僉樞

民覺

丈二首

世受知憐似一家將如萬里此行何欲成別

語才都盡安得西江乞尺波

乞去聲

朝天三度豈賢勞若比於吾少一遭聞說

臨軒方歎老黃金肯許過江拋

假御暖金

別書狀官崔貲外

忠元二首

同鄉已舊况同官似玉堪憐復似蘭贈別但將珍重字此行偏識歷炎寒

老託漁樵萬念灰華門蓬逕何江開君來告

我朝天去肯信曾經四徃回

賦呈梧陰相公新亭

相公亭半就幽曠已相宜好樹工當逕荒陂

豫具池涼從枕席過興逐杖履移落魄甘流
轉陪歡能幾時

次和梧相郊扉韻

別墅新依郭衰年更戀君月行雖近日
龍在未歸雲宴處琴書話公朝禮樂云應裁
大椿樹百歲一晨曛

簡柳德純令公寓居

西江共麻浦旅泊幸非賒取路青年異逢場
白首多潮來不達漢潦至欲迷巴漁釣名俱
託終須理一舸

病伏江口聞吳都司

宗道

發船回不得瞻

望行塵偶成石尤風二章奉接伴官以

道達之

仁人稍稍去吾東救國名成視若空欲識山
河相惜意船開恰有石尤風

鯨波已伏馬州東歛却聲威返太空合有
稜稜回顧色舟人錯道石尤風

李提督

帖詩

諸公合讓龍驤將了事須煩虎翼軍動色仁
人緣救國奪情孝子為供君將身不得隨

心遠割股非酬截髮勤圖閣旌閭歸日煥爭
如窮海口碑殷

李知事仲薰年兄挽章

同榜名華忝早揚况公少我二年強竭來好
爵無多取還與畸人一味涼西郭訪時猶故
宅南郊別後各他鄉安知便自棲遲地不逐
東潮向北邙

謝柳戶判西坳公過訪

歲暮江扉始一開班荆未有救寒杯却遭貧
鬼揶揄笑何用能令戶部來

救一作塵

簡易文集卷之七



